

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**

Broj: 003-0-Su-24-000 800

Datum, 14. oktobar 2024. godine

Na osnovu člana 2. stav (1) tačka l) , člana 69. stav ( 2), tačka d), člana 70. stav (1), (2), (4), (6 ) i člana 71. Zakona o javnim nabavkama ("Službeni glasnik BiH", broj 39/14, 59/22 i 50/24), a u vezi člana 8. stav 1. tačka j) Pravilnika o unutrašnjem sudskom poslovanju ("Službeni glasnik BiH", broj 66/12 i 40/14), predsjednik Kantonalnog suda u Tuzli donosi

**O D L U K U**  
**o poništenju postupka javne nabavke**

**Član 1.**

Poništava se postupak javne nabavke usluga isporuke gradskog grijanja za potreba Kantonalnog suda u Tuzli.

**Član 2.**

Ova Odluka će se objaviti na Internet stranici suda u skladu sa članom 70. stav 6. Zakona o javnim nabavkama.

Ovu Odluku dostaviti ponuđaču Centralnom grijanju d.d. Tuzla koji je blagovremeno dostavio ponudu i time ga obavjestiti o rezultatu postupka navedenog u Odluci.

**Obrazloženje**

Postupak javne nabavke isporuke gradskog grijanja za potrebe Kantonalnog suda u Tuzli putem pregovaračkog postupka bez obavještenja planiran je Planom javnih nabavki Kantonalnog suda u Tuzli objavljenim na portalu Javnih nabavki.

Ugovorni organ je dana 2.10.2024. godine donio odluku o pokretanju predmetne nabavke, a dana 4.10.2024. godine objavio na portalu nabavki informacije o pregovaračkom postupku bez objave obavještenja o nabavci broj: 622-4-2-50-20-1/24 te učinio dostupnu tendersku dokumentaciju.

Zahtjev za dostavljanje učešće u pregovaračkom postupku bez objave obavještenje dostavljen je samo od kandidata Centralnog grijanja d.d. Tuzla. Ispitujući dostavljeni zahtjev za učešće u pregovaračkom postupku bez objave obavještenja od strane kandidata Centralnog grijanja d.d. Tuzla, komisija imenovana rješenjem predsjednice suda je zapisnikom o ocjeni kvalifikovanosti kandidata, navedenog kandidata ocijenila kvalifikovanim

shodno čemu je navedenom kandidatu uputila poziv za dostavljanje početnih ponuda i pregovaranje.

Navedenim pozivom je određen rok za dostavu ponuda za dan 11.10.2024. godine do 13:00 sati dok su pregovori zakazani za isti dan u 14:00 sati.

Pozvani ponuđač je blagovremeno i na propisan način dostavio ponudu, dok se nije odazvao na pregovore koji su bili zakazani za dan 11.10.2024. godine u 14:00 sati.

Ocjenjujući dostavljenu ponudu, Komisija za nabavke je ocijenila da je dostavljena ponuda neprihvatljiva u smislu člana 2. stav (1) tačla l) kojim je propisano da je ponuda neprihvatljiva čija cijena prelazi planirana, odnosno obezbijeđena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta imajući u vidu da je procijenje vrijednost nabavke iznosi **70.000,00 KM** bez PDV-a, a da ponuda ponuđača iznosi **70.180,13 KM** bez PDV-a.

Imajući u vidu da dostavljena ponuda prelazi procijenjenu vrijednost predmetne nabavke u iznosu od **70.000,00 KM** bez PDV-a, u skladu sa članom 69. stav (2) tačka d) kojim je propisano da ugovorni organ može poništiti postupak javne nabavke ukoliko nijedna od primljenih ponuda nije prihvatljiva, odlučeno je kao u dispozitivu Odluke. Nakon pravosnažnosti ove Odluke, pokrenuti će se ponovno postupak javne nabavke usluga isporuke gradskog grijanja.

**POUKA:** Protiv ove Odluke može se izjaviti žalba Kancelariji za razmatranje žalbi putem ugovornog organa u pisanoj formi direktno ili preporučenom poštanskom pošiljkom u dovoljnom broju primjeraka u roku od 10 dana od dana prijema odluke.

**DOSTAVITI**

1. Centralno grijanje d.d. Tuzla
2. Su.arhiva



**PREDSJEDNIK SUDA**

Irđina Hadžimehmedović